

八

編

類

纂

八編類纂卷之二百五十五

大學衍義補

夷類

馭夷狄

列屯遣戍之制

秦始皇既并天下北築長城四十餘萬南戍五嶺五十餘萬驪山阿房之役各七十餘萬兵不足用而後發謫矣其後里門之左一切發之

易祓曰始皇既并天下北築長城南戍五嶺又有驪山阿房之役兵不足用乃至發謫先發也刑之類次發賈人之類次發治獄不直者之類次隱宮

刑徒者次以嘗有市籍者又其次則大父母父母嘗有市籍者先發里門之左右閭左之戍未及發右而二世立復調材士五萬以衛咸陽民不聊生天下騷動而勝廣起矣

秦用商鞅之法月爲更卒已復爲正一歲屯戍一歲力役三十倍於古

臣按更卒謂給郡縣一月而更者正卒給中都官者也

漢更有三品有卒更有踐更有過更占者正卒無常人皆迭爲之一月一更爲更卒也貧者欲得雇更錢

次直者出錢雇之月二千。是爲踐更也。天下人皆直。戍邊三月。亦名爲更律。所謂繇戍也。雖丞相子亦在戍邊之調。不可人人自行三月。戍又行者當自戍三日。不可往便還。因便往一歲一更。諸不行者出錢三百入官。以給戍者。是謂過更也。

臣按漢時戍邊有過更之法。凡民當戍者。不過三日。若不願行。則聽其出錢縣官。以給戍者。臣愚以爲此法今亦可行。內地衛所官軍戍邊者。每歲分兩班赴邊屯戍。行程往來。頗爲勞苦。且內地人多怯弱。不耐寒苦。而其衛所輪差之際。

不免作弊請準古過更法每歲該戍邊方衛所
官旗軍餘計口出錢貼助應戍之人其有壯健
之士願受直代人出戍者聽官爲驗其身體年
齒相當一體給與合得糧賞惟在得人不必正
身此法今亦可行

高祖十一年發巴蜀材官衛軍霸上

景帝後二年發車騎材官屯鴈門

宣帝神爵元年發三河潁川沛郡淮陽汝南材官詣
金陵

臣按此漢初遣軍戍邊散見於史者

臣按今西北緣邊一帶遼東宣府寧夏甘肅四處無有州縣而大同延綏涼洮等處皆有人民及蕃簇今亦編其丁壯與軍伍相兼守禦然其民既以供賦役而又使之備戰陳有事之時暫用之可也無事之時一體與軍常操似非人情所堪臣請下山西陝西二布政司凡極邊去處如大同延綏民有願自投軍者免其戶糧十二石就以爲月糧官不復支給其本戶糧原數不及者以同里人戶糧足其數其近邊去處在千里而近者有願投軍者亦如之免糧之外別免

本戶敷科。及凡雜役。俾其供送。凡投軍者。加以義勇之名。俾其自備鞍馬器械糗糒。隨軍征調。死不勾丁。有願替者。聽似亦良便。

臣按鼂錯之策。欲募民相徙。以實塞下。又欲置邊縣。以備敵。然今日諸邊。見有列屯坐食之兵。不須召募。舊有衛所營堡之制。不須置縣。但其所謂五家爲伍。合於古法。今不必以家爲伍。而以五人爲伍。使其自相聯屬。或其親屬。或其交契。從其所好。官府因而什伍之。而其繫籍食糧。各仍其舊。惟於操練征調之際。則用伍法焉。每

伍同一字號以一人爲首呼其首則五人必與偕所聚集之處

武帝時發天下七科謫出朔方

張晏曰吏有罪一亡命二贅壻三賈人四故有市籍五父母有市籍六大父母有市籍七

明帝永平八年詔郡國中都官死罪繫囚減罪一等勿笞屯朔方五源之邊縣後又詔詣邊者妻子自隨

臣按此秦漢以來謫有罪者戍邊之始蓋置惡人於荒僻之地以禦魍魎古典也秦始皇謫治獄吏不直者築長城漢武帝謫吏有罪者出朔

方其來遠矣

明帝以後又歲募郡國中都官死罪繫囚出戍聽從
妻子自占邊縣以爲常凡從者皆給弓弩衣糧於是
北胡有變則置度遼營南蠻或叛則置上林兵羗犯
三輔則置長安雍二尉鮮卑寇居庸則置漁陽營

東漢自光武罷都試而外兵不練雖疆場之間廣屯
增戍列營置塢而國有征伐終籍京師之兵以出蓋
自建武迄漢哀匈奴之寇鮮卑之寇歲歲有之或遣
將出擊或移兵留屯連年暴露而禁旅無復鎮衛之
職矣

臣按漢人疆場之間、旣已廣屯增戍、列營置場、而國有征伐、又籍京師之兵、夫內地有寇、可出京師兵以平之、若夫邊圉之寇、必須用其邊兵、蓋邊兵生長邊陲、慣於戰鬪、知虜人之情狀、識道路之迂直、且復屢經戰陳、目熟心定、若夫京畿之兵、驕奢脆懦、况受命而總兵者、皆

天子之勲貴、報效而從征者、皆是權貴富豪子弟、欲希功以得官耳、非實有材勇、欲敵所懷、以建功業也、一至邊城、已旣不能戰、反役使邊兵之善鬪者、爲之給薪水、供草料、及至虜退而論功、

方且虛張功次奪邊兵之鹵獲攘其首級以爲已功是以邊城一聞京軍之來無不解體者爲今之計緣邊一帶分定疆界專責邊將守禦不得已而出京軍止用以爲邊城之聲援如大同則於應州或渾源州立一大營宣府則於懷來或保安立一大營其他遼東甘肅諸處皆然虜少入寇則各邊自爲守戰虜大入寇方許奏請京軍如虜寇大同京軍則於應州駐劄虜寇宣府京軍則於懷來駐劄兵法先聲後實每調一千則滿五千用以爲邊城之聲援非其力果不

能支而京軍不得貪功冒進

唐方鎮節度使之兵其原皆起於邊將之屯防者唐初兵之戍邊者大曰軍小曰守捉曰城曰鎮而總之曰道自武德至天寶以前邊防之制其軍城鎮守捉皆有使而道有大將一人曰大總管已而更曰大都督至太宗時行軍征討曰大總管在其本道曰大都督自永徽後都督帶使持節者始謂之節度使然猶未以名官景雲二年以賀拔延嗣爲涼州都督河西節度使自此而後接乎開元朔方隴右河東河西諸鎮皆置節度使

臣按唐初大總管其後節度使卽今總兵官之職名

德宗時陸贄上言窮邊之地千里蕭條寒風裂膚驚沙慘目地惡人勤於斯爲甚自非生於其域習於其風罕能寧其居而狎其敵也關東之地百物阜繁從軍之徒尤被優養慣於溫飽狎於歡康比諸邊隅若異夫壤聞絕塞荒陬之苦則辛酸動容聆強蕃勁虜之名則懾駭奪氣矧又有休代之期無統帥之馭資奉若驕子姑息如倩人進不邀之以成功退不加之以嚴憲屈指計歸張願待飼僥倖者猶患還期之賒

緩恒念戎醜之充斥。王師挫傷則將乘其亂離布路東潰。平居則殫耗資儲以奉浮冗之衆。臨難則拔棄城鎮以搖遠近之心。

贊又言今者窳邊之地長鎮之兵皆百戰傷夷之餘終年勤苦之劇然衣糧所給惟止當身而關東戍卒歲月踐更不安危城不習戎備然衣糧所頒厚踰數等繼以茶藥之饋益以蔬醬之資豐約相形隔絕斯甚又有素非禁旅本是邊軍將校詭爲媚詞因請遙隸神策不離舊所惟改虛名其於廩賜之饒遂有三倍之益此則僞類所以忿恨忠良所以憂嗟疲人所

以流亡。經制所以耗匱。

宋制凡上軍遣戍皆本司整比軍頭司引對便殿給以裝錢代還亦入見犒以飲食揀拔精銳升補之或退其疲老者凡大祀有賞給每歲寒食端午冬至各有特支戍邊每季又加給銀鞋環慶緣邊艱於糈給者又有薪水錢其役兵勞苦者或季給錢或川廣代還者別給裝錢川廣之補卒或給時服錢軍凡出外率有口糧

宋制蕃兵者塞下內屬諸部落團結以爲藩籬之兵也西北邊羗戎種落不相統一保寨者謂之熟戶餘

謂之生戶其大首領爲都軍主有帳以上爲軍主其次爲副軍主又有以功次補者其官職給俸有差

四方夷落之情

禹貢三危旣宅三苗丕叙

臣按夷者異類之總名而經史所謂蠻則多指

南方之夷也夷狄之見於經者始於三苗所謂苗民者舜典禹謨益稷禹貢呂刑皆具焉帝舜受禪之初旣首竄之于三危至禹治水時其竄者旣丕叙其畱者猶不卽工故帝命禹徂征然猶逆命及禹班師而後來格於是考其善惡而

分背之焉。今自巴蜀以東，歷湖南北，桂嶺雲貴，數千里溪崗山菁之中，有曰玃曰狴曰獠曰倭，曰獐之類，凡十數種，皆所謂蠻也。其間最輕捷者曰獠，說者謂此卽三苗之後也。然今之獠依山以居，無有倫紀禮義，觀禹誓辭數苗之罪，謂其君子在野，小人在位，則是時之苗蓋有國都官屬，但其用舍顛倒而非若今世之苗若獠，然無定居，無常業，不相統屬也。國初於湖北川東立宣慰司者五，曰永順，曰保靖，曰貴州，曰思州，曰播州。又有宣撫司、安撫司及招討司、長官。

司之設外此所謂軍民府及軍民指揮使司者
又兼設土官以轄其夷人隨其地而設其官因
其俗而爲之治善者授以職惡者分其勢是蓋
得有虞分背之義禹貢不叙之義也

秦昭王使白起伐楚略取蠻夷置黔中郡漢興改爲
武陵郡歲令大人輸布一匹小口二尺是謂賁布

臣按漢武陵郡卽今常德澧辰沅等州郡是也

始皇三十三年發諸嘗逋亡人贅僑賈人擊南越取
其地置桂林南海象郡又閩越王無諸及越東海王
雄者其先皆越王句踐之後也姓騶氏秦已并天下

皆廢爲君長以其地爲閩中郡

元

臣按秦并百郡嶺南有三郡桂林今廣西地南海今廣東地象郡今安南地也夫非胡之勢實與南越不同西北之胡皆居中國邊塞之外有所限制則彼不能越其界而入我內地也惟越之地種類實多故有百越之名曰閩越曰甌越曰閩越曰東越曰於越自秦漢以來所謂於越東越甌閩之類皆已久入中國與齊魯宋衛無異惟所謂南越者其地西連湖湘直抵滇貴洋荆越雋之地山深而地險猶有不盡歸王化者

時時爲郡邑居民害蓋今日湖南北廣東西其
郡邑者錯列山嶺之間與蠻夷雜居但有險易
之異耳時或竊發難於備禦非若西北邊塞之
有限隔也

漢武帝時欲伐閩越淮南王安上書言越方外之地
剪髮文身之民不可以冠帶之國法度理也南方暑
濕近夏瘴熱暴露水居蝮蛇蠱音塋也生疾厲多作兵
未血刃而病歿者什二三雖舉越國而虜之不足以
償所亡今以兵入其地必雉兇逃入山林險阻背而
去之則復相羣聚留而守之歷歲經年則士卒罷勦

兵糧之絕民苦兵事盜賊必起如使越蒙人徼幸以
逆執事之顏行猶言馬行斷與之卒有一不備而歸
謂在前者雖得越王之首臣猶竊爲大漢羞之

臣按閩越今福建地其入職方已久非復漢時
舊矣然劉安所言南方濕毒兵入其地不待兵
刃先自病歟與夫兵至則潛藏兵退則復聚持
久則士卒疲勸民苦兵事今日湖南廣右雲貴
其山菁之瘴癘猶獠之情狀省民之受害實與
漢時無異也

元帝初元二年珠厓儋耳郡率數年一反殺吏漢縣

發兵擊定之至是諸縣叛連年不定上謀於羣臣欲
大發軍待詔買捐之日今關東民困流離道路至嫁
妻賣子法不能禁義不能止此社稷之憂也駱越棄
之不足惜不擊不損威今陛下不忍惻惻之念欲驅
士衆擠之大海之中快心幽冥之地非所以救饑饉
保元元也且以往者羌軍言之暴師會未一年兵出
不踰千里費四十餘萬萬大司農錢盡乃以少府禁
錢續之夫一隅爲不善費尚如此况于勞師遠攻亡
士無功乎

臣按捐之謂非寇害之國禹貢所及春秋所治

皆勿以爲臣竊以爲凡今日境土非

祖宗所有者則可用捐之之策若夫

祖宗所得天下既入版圖者其可以與人乎。

順帝永和初武陵太守上書以蠻夷率服可比漢人
增其租賦尚書令虞詡獨奏曰自古聖王不臣異服
附則受而不逆叛則棄而不追先帝舊典貢稅多少
所由來久矣今猥增之必有怨叛計其所得不償其
費

永和中侍御史賈昌與州郡討區憐等歲餘不克帝
召百官問以方略皆議遣大將發荆揚充豫四萬人

赴之。李固駭曰：「荆揚盜賊盤結不散，長沙桂陽數被徵發，如復擾動，必更生患。」充豫之人遠赴萬里，詔書迫促，必至叛亡。南州溫暑，加有瘴氣，致灰亡者十必四五。遠涉萬里，士卒疲勞，北至嶺南，不復堪。關軍行日三十里，而充豫去日南九千餘里，三百日乃到。人廩五升，用米六十萬斛，不計將吏驢馬之食。設軍所在，灰亡必衆。旣不足禦敵，當復更發，此爲剗剗心腹以補四支。九真日南相去千里，發其吏兵，猶尚不堪。况乃苦四州之卒以赴萬里之艱哉！前中郎將尹就討益州叛羌，益州諺曰：「虜來尚可，尹來殺我。」後就徵

還以兵付刺史張喬喬因其將吏旬月之間破殄寇

虜此發將無益之效州郡可任之驗也此數萬甲兵也宜更選有勇

略仁惠任將帥者以爲刺史太守徙日南吏民北依

交趾還募蠻夷使自相攻轉輸金帛以爲其資有能

反間致頭首者許以封侯列土之賞故并州刺史祝

良性多勇決張喬前有破虜之功皆可任用四府悉

從固議卽拜良爲九真太守喬爲交趾刺史喬至開

示慰誘竝皆降散良到九真單車入賊中設方略招

以威信降者數萬人皆爲良築起府寺嶺外復平

臣按後世藩服郡守任用不久隨即罷去夷僚

任是出
策在尚地
不其

知其去任之速不可倚仗而後來之吏又未必
然往往疑信相半故雖暫服而復叛也請以今
廣西左右兩江言之兩江地方二三千裡其所
轄狼兵無慮十數萬今設爲府者四爲州者三
十有七其府州正官皆以土人爲之而佐貳幕
職參用流官故今百餘年間未聞有屯聚侵掠
者而所以爲州縣害者皆是不屬土官管束之
人錯雜州縣間者雖或亦有有司帶管及設土
官巡檢者然流官無權彼知其不久而輕玩之
而所謂土巡檢者官卑力薄不足以相鈐制

愚莫急於立土官。請用左右兩江之例而徵寓。夫設立軍衛之意。蓋左右兩江府州之設。專以其地屬之一姓。臣所謂徵寓設立軍衛之意者。衆建官而分其權也。凡今獫狁與編民雜居州縣之間。但彼依山菁以居耳。今宜特勅內外大臣躬臨其地。召集酋豪諭以

朝廷恩威。將授以官。如左右兩江土官例。俾其子孫世享之意。有能率其種類五百名以上。內附者。卽授以知州之職。四百名以下。量授同知判官。吏目等官。其官不拘名數。亦如衛所之制。

既授其役。同不須勘實。官給以冠服。遺官屬以
騶從鼓樂。送歸所居。徐俾其擇地立爲治所。合
衆力成之。旣成具。奏請印。俾推其中一人爲
衆所信服者。掌印則彼受。

朝廷爵命。必知所感慕。而同類咸尊敬之。有不
伏者。彼仗國威併力除之。不難矣。積久成俗。
彼皆慕華風。習禮教。况衆設其官。勢分力敵。自
足相制。不能爲亂。而自相爭訟者。須至申上司
奏。

朝廷則

國家之勢益尊不勞兵戈而一方安靖矣。然所慮爲後日患者。地界不明。異時不能無爭耳。宜乘其初。卽遣官會同土酋。分立地界。或以溪澗。或以山阜。就於界上立石爲識。大書深刻于土。曰某至某爲有司界。至某爲土官界。中民地有深入其境者。卽以外地無徵者。與民易之。隨其廣狹。不復丈量。其土酋所領地。就俾認納稅糧。定爲額數。日後不得有所加增。如此處置。庶幾永無患乎。

唐貞元中。廣西黃洞首領黃少卿者。攻邕管及韶欽。

橫貴等州屢服屢叛長慶初經略使嚴公素復請討之兵部侍郎韓愈建言比緣邕管經略使多不得人近者征討本起於裴行立楊旻此兩人者本無遠慮深謀意在邀功求賞自用兵以來已經二年前後所奏殺獲計不下一二萬人儻皆非虛賊已尋盡至今賊猶依舊足明欺罔大抵嶺南人稀地廣賊之所處又更荒僻假如盡殺其人盡得其地在於國計不爲有益容貸羈縻比之禽獸來則捍禦去則不追亦未虧損朝廷事勢請爲選有材用威信諳嶺南事者爲經略使處理得宜自然永無侵叛之事

臣按敕鎮守都憲督責藩臬帥關及守令將領嚴束所部軍民不許與賊交通凡軍民人等有入山崗生理者許其赴官告知齎載某物赴某山崗貨賣官司給與印帖爲照無帖者不許責令供結不敢將帶違禁器物惟許取其生口米穀土物不許受其銀兩及其地所不產其物違者枷號示衆沒入其財物親屬隣保知情不首罪同有首告者給以其財物三之一如此則彼得物無所售而不劫質以求財而殺人以立威矣又聞近年以來其間城邑暮夜多有爲賊所

竊入者、非殺、威、官員、掠去印信、輒避罪、不以聞、推原其故、非彼之有能、乃吾之無備也、宜令守鎮都憲、丘備等官、規畫城池、守備之法、行下軍衛有司、俾其遵守、則永無失矣、今後凡有城池、去處、責令軍衛有司、正佐、官僚、寫立領狀、責其與城相爲存亡、有失陷者、決不輕恕、則彼知罪責深重、不敢輕忽、則賊不能盜入矣、

臣按唐虞之世、東西北三邊之夷、皆不經見、而首見於經者、南方之苗也、然三方之夷、皆一百臨邊夷居外、而其中乃王土也、惟南蠻之地、則

夷人錯居王土之中。與居民相雜。故其害及民尤易。非若三邊之寇。其來有時。其侵有處。其行有程。先時可以爲備。臨時不至於倉忙失措。

仁宗時狄青請擊儂智高。願得西邊蕃落兵自從。或謂南方非騎兵所宜。樞密使高若訥言。蕃部善射。耐艱苦。上下山如平地。當瘴未發時。疾驅破之。必勝之道也。青卒用騎兵破賊。

張栻知靜江府。奏本部備邊之郡九。而邕管爲最重。邕之所管幅員數千里。而左右兩江爲最重。自邕之西北有牂牁羅甸。自杞而西南有安南諸國。皆其所

當備者。然邕之戍兵不滿千人。所恃爲籬落者。惟左右兩江溪崗共八十餘處。民兵不下十萬。首領世襲。人自爲戰。去邕管近者餘三百里。遠者近千里。所恃以維持撫治之者。惟提舉盜賊都巡檢四人。各以戍兵百餘爲溪崗綱領。可不遴選其人。謹護其土。以爲遠方久遠之計哉。

臣按唐分嶺南地爲五管。而桂邕容三管地屬嶺南西道。在乎

本朝。割容迤西之地屬廣東。而廣西實全得桂容二管。及容管之少半。邕卽今南寧府。其地控制

左右兩江實爲安南咽喉之地

國初因前代之舊設太平由州思明鎮安四府龍
州等七州宣德中又陞思恩州爲府用其土人
爲守長佐貳幕職則用流官惟太平府全用流
官而其屬州仍其舊俗凡此羈縻州郡而內歲
久首領世襲人自爲戰如古諸侯民兵之制遇
有征發亦賴其用但今控制之成僅有南寧馴
象二衛太平一所以乎軍弱請如張拭所言及
今無事時於此地屯兵以爲重鎮遴選守將謹
護其土以爲久遠計用以銷變於未然

安南古交趾也秦并天下於此置象郡秦仁南海尉
趙佗擊併之漢置九郡九真日南象三郡是爲交趾
地後女子徵側反遣馬援平之立銅柱爲漢界唐始
分嶺南爲東西三道置節度立五管安南隸焉五代
劉隱并其地以爲交趾節度使其後管內大亂有丁
部領者定之其子璉內附宋封爲交趾郡王交人封王自此
始傳子璿爲黎桓所奪淳化四年封桓爲王桓卒子
龍鉞立其弟龍延殺鉞而代之龍延欲修貢安撫使
邵曄以聞真宗曰遐荒異俗不曉事體何可惟也仍
封爲王賜名至忠爲其下李公蘊所奪卽封公蘊爲

王李氏傳八世至吳昌閩人陳日叟爲其婿遂有其國

臣按交趾本秦漢以來中國郡縣之地五代時爲劉隱所并至宋初始封爲郡王然猶授中國官爵勲階如所謂特進檢校太尉靜海軍節度觀察等使及賜號推誠順化功臣皆如內地之臣未始以國稱也其後封南平王奏章文穆猶稱安南道孝宗時始封以王稱國而天下因以高麗真臘視之不復知其爲中國之郡縣矣李氏傳八世陳氏傳十二世至日煚爲黎季犛所

纂季聲上表竄姓名爲胡一元二舍易名在諱
稱陳氏絕嗣查爲甥求權置國事我

太宗皇帝從其請逾年陳氏孫名添平者始遁至
京翹其實季聲乃表請迎添平還以國

朝廷不逆其詐遣使送添平歸抵其境季聲伏
兵殺之并及使者事聞

太宗偏告于天地神祇聲罪致討遣征夷將軍朱
能等征之能道卒命副將張輔總其兵生擒李
聲及其子荅澄獻俘京師詔求陳氏遺裔立之
國人咸稱季聲殺之盡無可繼承者僉請復古

郡縣遂如。今制立交趾都布按三司及各府州縣衛所諸司一如內地。後有黎利者乃夷中之夷也。中官庇之遂致猖獗。上表請立陳氏後。宣宗皇帝謂此

皇祖意也。遂黜之。卽棄其地。俾復爲國。嗚呼。自秦并百郡。交趾之地已與南海桂林同入中國。漢武立嶺南九郡。而九真日南交趾與焉。在唐中葉江南之人仕中國顯者猶少。而愛州人姜公輔已仕中朝爲學士宰相。與中州之士相頡頏矣。奈何世歷五代爲土家所據。宋興不能討之。

遂使茲城淪於夷狄之域而爲侏離蓋縷之俗
三百餘年而不得與南海桂林等六郡班班然
衣冠禮樂以爲聲名文物之鄉一何不幸哉其
間宋人雖一逐其王元人雖再入其國都而終
不能有我

太祖皇帝開國之初陳氏首先納款

太祖著之祖訓不許後人伐其國陳氏爲賊莽所
戕

太宗皇帝體

高皇之意不絕陳氏之嗣遣使送還其國賊莽乃

殺之并及使者不得已與師平之求陳氏後不可得乃用漢唐故事復立郡縣而守臣不謹遂至夷獠復肆而黎利者以求得陳氏後爲辭

宣宗皇帝體

文皇之心俾復繼陳氏之絕不逆黎利之詐遂爲所蔽羣臣屢請興兵討之

章皇帝念

聖祖之垂訓因置不問而九真日南之域秦漢以來之遺民旣得見天日而又淪於幽谷之中何其重不幸哉竊惟今日疆域遠隔有宋並于前

而不及漢者以失嶺外此三郡也幸而得之而
又失之似若可惜然守

祖宗之訓而不愆不忘此繼述之大孝守成之大
體也所可惜者一方之民重不幸耳安南疆域
在秦漢爲三郡地今其地東起廣東之欽州迤
西歷廣西之左江至雲南之臨安元江爲界欽
以東海道與之對境欽之西乃南寧府界南寧
之東南思明府所屬上思州忠州上下石西諸
州太平府所屬龍英太平安平上下東諸州皆
與之接境而龍州乃其所必由之路而憑祥縣

安南軍事
之概得後
久故事
焉

則其要害也。鎮安有所屬有歸順及下雷兩府
與之接境。二府迤西則雲南界矣。臨安之阿迷
州左能寨等九長官司皆其邊界。元江有水路
通之而蒙自縣則其所必由之路也。其道路在
廣西則由太平府歷龍州及憑祥縣抵其諒山
府至其所稱東都者可七日程。在廣東則自欽
州西南一日至其永安州由玉山等處至其東
都可五日程。在雲南則由臨安府經蒙自縣河
底之蓮花灘至其東都可四五日程。此中國與
安南邊境之大略也。

○以上言南夷

臣按戎狄弑中國王而取中國地。周之時已有之。然不在成康之世。而在幽王之時。使幽王不寵褒姒。而其臣申侯不與犬戎交通。則彼犬戎者固不敢越封疆而入吾內地。況又敢剽劫於中國之天下哉。

匈奴之先自淳維在殷時奔北方。至周末七國時而與燕趙秦三國爲邊鄰。秦滅六國。始皇遣蒙恬北擊胡。悉逐出塞。牧河南地。渡河以陰山爲塞。起臨洮至遼東萬餘里。匈奴單于曰頭曼不勝秦。北徙至秦亂。

稍渡河與中國界於故塞後爲其子冒頓射殺之而自立爲單于遂東而滅東胡西擊走月氏南并樓煩侵燕代悉復秦所奪匈奴地其控弦之士三十餘萬自淳維以至頭曼千有餘歲其世傳不可得而次然至冒頓而匈奴最疆大盡服從北夷而南其諸夏爲敵國其姓世官號可得而記曰單于姓孛鞮氏其國稱之曰撐犁孤塗單于匈奴謂天爲撐犁今胡言謂爲騰乞犁也聖卽撐犁也謂子爲孤塗單于者廣大之貌也言其象天單于然也

臣按此北狄之在前漢者自洪武永樂以來其

酋如本雅失里馬哈木阿魯臺朶而只伯之輩
皆驚才下乘惟脫歡者挾脫脫不花以肆毒其
子也先繼之已已之變乃吾謀臣之誤也使當
時聽大臣言遣一裨將禦之不過旬日彼自去
耳若夫統幕之還分爲數管使彼不知所攻不
終日入懷來城矣當是時虜悉其部落并脇兀
良哈海西諸部皆來不滿四五萬自是以後也
先爲哈刺所殺哈刺爲孛來所殺孛來之後毛
里孩能加思蘭之徒皆是自相屠戮未有父子
繼世者

突厥阿史那氏蓋古匈奴北部也居金山之陽臣于
蠕蠕種裔繁衍至吐門遂疆大更號可汗猶單于也
妻曰可敦其地三垂薄海南抵大漠隋末始卑可汗
咄吉嗣位華人多往依之控弦且百萬戎狄熾彊古
未有也唐高宗起太原遣使往聘與連和

朱祁曰隋季世虛內以攻外生者罷道路歿者暴
原野天下盜賊共攻而亡之當此時四夷侵中國
徼而突厥最彊控弦者號百萬華人之失職不逞
者往從之且爲之謀導之入邊故頡利自以爲彊
大古無有也高祖初卽位與和因數出軍助討賊

故詭臣之贈予不可計虜見利而動又與賊連和
殺掠吏民於是掃國人寇薄渭橋騎蓋蒙京師太
宗身勒兵顯責而陰間之戎始內阻不三年縛頡
利獻北闕下霆掃風除其國遂墟

回紇其先匈奴也元魏時號高車部或曰勅勒訛爲
鐵勒其部落曰袁紇薛延陀等凡十有五種皆散處
磧北至隋曰韋紇其人驍彊初無酋長逐水草轉徙
善騎射喜盜鈔臣于突厥突厥資其財力雄北荒後
韋紇叛突厥自爲俟斤稱回紇姓藥羅葛氏居薛延
陀北娑陵水上距京師七千里衆十萬勝兵半之突

厥後世惟回紇與薛延陀爲最雄彊其後攻薛延陀
殘之并有其地遂南踰賀蘭山境諸河夫寶中有裴
羅者自稱骨咄祿毘加闐可汗南居突厥故地悉有
九姓之地斥地愈廣東極至韋西金山南控大漠盡
得古匈奴地後易回紇曰回鶻言捷勢猶鶻然

大明書統志曰北胡種落不一夏曰獯鬻周曰獫狁
秦漢皆曰匈奴自漢以來匈奴頗盛後稍弱而烏桓
興漢末鮮卑滅烏桓盡有其地後魏時蠕蠕獨強與
魏爲敵蠕蠕滅而突厥起盡有西北地唐滅之五代
及宋契丹復盛別部小者曰蒙古曰秦赤烏曰塔塔

兒各據分地既而蒙古兼并有之遂入中國傳十四
世通于沙漠傳子愛猷識理達臘古思帖木兒爲
也速迭兒所殺其部屬皆奔散來附洪武二十五年
遣將周興往討其罪追至撒撒兒山大敗之自是不
敢近邊者十餘年永樂間有本雅失理者及其下馬
哈木阿魯臺奉貢惟謹因封馬哈木爲順寧王阿魯
台爲和寧王已而叛服不常遣使諭之不悛上親
征之諸胡始平本雅失理悉率其部屬來朝願居京
師宣德中馬哈木攻殺阿魯台欲領部落人心不服
乃朮庵脫不花立爲王居沙漠之北馬哈木子脫懽

虜懼子也先居沙漠之西北瓦剌地

臣惟我

朝都于幽燕蓋

天子自爲守也。前此都此者。若金若元。皆夷也。而夷居於近夷之地。將以臨中國而內侵也。而我朝則居中國之盡處。而北臨邊夷。我之所以控而制之者。固重而要。而彼之所以來而侵者。亦速而近。所以思其患而預爲之防者。此漢唐尤加倍加意焉。

大明一統志曰。兀良哈本春秋時山戎地。秦爲遼西。

郡北境漢爲奚酋所據東漢征敗之走匿松漠間後魏之先復居于此號庫莫奚後服屬契丹元爲大寧路北境

本朝洪武二十二年征敗北胡來降者衆詔以兀良哈之地置泰寧朵顏福餘三衛以處之爲東北外藩命其長爲指揮司指揮同知各領其部

臣按自古北狄種類甚多今三衛所居在古東胡地東胡在古有鮮卑奚契丹等種不一今則不復識別以所居觀之其奚種歟今衛有以福餘名者古有扶餘國在玄菟北千里或是其遺

種不可曉也永樂初棄大寧地與之今其地密
京師歲歲朝貢不絕用爲藩屏夫彼雖內附日
久然終是夷類往往隨盛衰以爲向背景泰初
三衛爲虜所驅竄名虜中隨之來貢我所以待
之者比其常例加優數倍彼乃憤然謂我畏彊
而慢弱遂堅從彼之心其後建州董山亦以宴
賞厚薄之故而叛請自今以後三衛所來朝比
諸夷優加禮待仍

詔之遇有荒歉許其來告遣使振卹之頭目中
有孑幼孤者優軍官依給例一體賞賚則彼感

我深恩永爲捍蔽矣

○以上言北狄

漢武帝元朔三年張騫自月氏還具爲天子言西域諸國風俗大宛在漢正西可萬里其東北則烏孫東則于寘于寘之西則水皆西流注西海其東水東流注鹽澤去長安可五千里匈奴右方居鹽澤以東至隴西長城南接羌胡與隔同漢道焉烏孫康居奄蔡大月氏皆行隨國畜牧與匈奴同俗大宛在大宛西南與大宛同俗臣在大夏時見邛竹杖蜀布問安得此曰市邛身毒身毒在大夏東南可數千里其俗土著

與大夏同度大夏去漢萬二千里居漢西南今身毒
又居大夏東南數千里有蜀物此其去蜀不遠矣今
使大夏從羌中險少北則爲匈奴所得從蜀宜徑又
無寇天子旣聞諸國多奇物而兵弱貴漢財物誠得
而以義屬之則廣地萬里重九譯致殊俗威得徧於
四海欣然以爲然乃令騫因蜀捷爲發間使四
道竝出求身毒國各行一二千里其北閉氏侏南閉
儋昆明殺略漢使終莫能通騫又言于武帝曰臣居
匈奴中間烏孫王號昆莫今單于新困於漢而昆莫
地空饑夷戀故地又貪漢物誠以此時厚賂烏孫招

以東居故地。漢遣公主爲夫人。結昆弟其勢宜驍。則是斷匈奴右臂也。旣連烏孫。自其西大夏之屬皆可招來。而爲外臣。自是西域始通於漢。凡三十六國。

臣按此自秦漢以來通西域之始

光武建武二十一年。西域十八國俱遣子入侍。請都護。帝不許。諸國侍子久留。燉煌皆愁思亡歸。莎車王賢知都護不出。擊破鄯善。鄯善王安上書。願復遣子入侍。請都護。帝報曰。今使者大兵未能得出。如諸國力不從心。東西南北自在也。

臣按自漢遣張騫通西域後。而中國帝王當全

盛時往往遣使遠通西域在漢則爲大宛烏孫
于闐龜茲月氏諸國在唐則爲高昌焉耆龜茲
于闐天竺諸國在宋則爲天竺高昌大食于闐
龜茲諸國在

本朝則爲哈密火州亦力把力撒馬兒罕哈烈
于闐諸處夫古今所謂西域者土壤山川不改
其舊但其名稱隨世更改惟所謂于闐者自漢
以來恒不改其舊稱焉今所謂哈密赤斤蒙古
罕東安定阿端曲先皆前代中國之邊境所謂
燉煌酒泉伊吾之故地洪武永樂中因其土酋

內附立以爲衛其地處吾近邊薄賦止虜不可
槩以外虜視之使爲虜用是亦漢人斷匈奴臂
不使得以通羗之一策也

唐書吐蕃本西羗屬蓋百有五十種散處河湟江岷
間有發羗唐旄等然未始於中國通居折支水西祖
曰鶻提勃悉野健武多智稍弁諸羗據其地蕃發聲
近故其子孫曰吐蕃而姓勃罕野

臣按唐書謂吐蕃散處河湟江岷間河湟卽今
陝西西寧河州等處江岷卽今陝西岷洮州及
四川松茂等處也

大明一統志西蕃卽吐蕃也其先本羌屬散處河湟江岷間其酋發羌唐旄等居折交水西後有樊尼者西濟河逾積石居歧布川或邏婆川隨開皇中有論贊索者居牂牁西唐貞觀中始通中國旣而滅吐谷渾盡有其地至唐末衰弱種類分散入內屬者謂之熟戶餘謂之生戶宋時朝貢不絕其首領喃廝羅始居鄯州後徙青唐神哲高宗朝皆授以官元憲宗始於河州置吐蕃宣慰司都元帥府又於四川徼外置礪門魚通黎雅長河西等處宣撫司世祖時復郡縣其地設官分職以吐蕃僧人入思巴爲大寶法王帝

師領之嗣者數世，第子號司空司徒國公，佩金玉印，章者前後相望。

本朝洪武六年，詔吐蕃各族酋長舉沙有官職者，至京授職，遂置五衛門，建官賜印。

臣按吐蕃之地，北起陝西之河湟，迤南歷四川，抵雲南西北之境。洪武六年，立都指揮使司者二，烏思藏朶甘也；指揮使司者一，隴答衛也。七年，又置宣慰司者三，朶甘及董卜韓胡、長河西魚通寧遠也；置招討司者六，萬戶府者四千戶所者十有七。此皆在化外之境，歲通朝貢而已。

自有西僧以來此屬不爲邊患遇有寇盜

朝遣僧諭之尋卽解散若夫邊徼之內如陝西
之岷州洮州四川之龍州黎州諸處人雜氏羗
是皆吐蕃之種落久已內屬悉聽官府約束不
復生梗惟所謂松蕃者其地險隘饋餉爲難生
蕃頑獷屢爲邊害所以遏絕之者區區未得其
宜蓋其地瘠而人貧性躁而無常然俗頗尚僧
請下羣臣議隨其俗以爲治於今屯軍去處依
岷州例建一大刹擇蕃僧中之有道行爲衆所
信服者授以誥印職名俾守其地每歲遣人賞

縣仍於盛州或茂州立一太營遣前時將卒於
此守禦扼其要害通其互市如此則可以少紓
蜀人輸運之苦而息邊境劫掠之患矣

以西上

漢武帝元狩元年始通滇國元封二年始置益州郡
明帝永平十二年哀牢王柳貌率其民五萬戶內附
以其地置哀牢博南二縣唐玄宗開元二十六年冊
南詔爲王蠻語謂王曰詔先有六詔莫能相統蒙舍
詔最在南至皮邏閣浸疆大乃求合爲一朝廷許之
徙居大和城宋熙寧九年大理遣使貢方物政和九
年封其酋爲太理國王元憲宗二年平大理立爲三

十七郡世祖自西蕃入大理平雲南遣將招降其酋
長遂分三十六路四十八甸皆設土官管轄以大理
金齒都元帥府總之

本朝洪武十七年立爲麓川車里三宣慰使司此外
又有孟養木邦緬甸老撾八百大甸宜慰司其與麓
川車里皆是百夷之種類也

臣按雲南地漢時已入中國謂爲西南夷唐末
爲南詔所據後爲蒙段二氏所有自爲一國宋
竟不能有之元世祖始平大理以其地內屬

本朝立爲蕃府命黔國公世守之今其雲南楚

雄臨安大理等府設置如內地而更以元江永昌之外麓川車里等處爲西南夷亦猶漢時自成都而視滇池也

國初止立麓川車里二宣慰司今則爲宣慰司者凡七焉七者皆百夷之地而惟麓川最大且要正統中以思任發梗化降爲隴川宣撫司大抵雲南之地其南以元江爲關以車里爲蔽而達于八百其西以永昌爲關以麓州爲蔽而達于木邦西南通緬甸底于南海東南通寧遠而境平安南西北盡麗江而通乎吐蕃所以制馭

之者與南蠻北狄不同蓋彼去中國遠甚其有
叛亂不過梗化虧欠歲貢而已不足爲中國輕
重也爲今之計宜擇一要害地或景東或騰衝
命將一員統軍於此守備嚴禁中國客商不許
擅入其地則彼不知中國虛實而不爲人所煽
惑引誘設爲互市有所交易許其移文通譯齎
載以來使彼知中國之貨難得則不敢輕自棄
絕矣

以上西
南夷

大明一統志女直古肅慎之地在混同江之東後漢
謂之挹婁元魏謂之勿吉隋唐曰黑水靺鞨唐初渠

長阿固郎始來朝。後乃臣服。開元中。以其地爲燕州。置黑水府。其後粟末靺鞨彊盛。號渤海。黑水皆役屬之。又其後黑水浸弱。爲契丹所攻。黑水復擅其地。卽金鼻祖之部落也。初號女真。後避遼興宗諱。改曰女直。臣屬於遼。部族散居山谷。至阿骨打始大。易部建國。曰金。滅遼。設都於渤海。上京。至海陵。改爲會寧府。金亡。歸元。以其地廣濶。人民散居。設軍民萬戶府五。鎮撫北邊。曰桃溫。曰胡里改。曰幹朵憐。曰充幹憐。曰孛苦江。分統混同江水達達及女直之人。有合蘭府水達達等路。以總攝之。迨入。

本朝悉境歸附自開元迤北因其部族所居建置都司一衛一百八十四所二十官其酋長爲都督都指揮指揮千百戶鎮撫等職給與印信俾仍舊俗各統其屬以時朝貢

臣按女直其人有生熟之異其地有水陸之殊又有所謂野人者

國初猶未內附至永樂二年始立建州必里兀者兀者左右後赤不罕屯河安河八衛三年又置毛憐鹿兒文失里綿奴兒于堅河撒力六衛四年又置古賁河及兀者前至御童等三十九

衛五年又置阿古河至甫門河等三十一衛六年又置納木河至薛例河等三十衛其奴兒于都司則七年置也自卜魯兀至塔麻速等十七衛亦於是年置焉本興河至于葛稱哥十一衛則八年置也督罕河及建州本至於弗提十四衛則十年置焉十一年置一斡朶倫衛十二年又置哈兒分等十二衛十三年又置渚冬河等四衛十四年又置吉灘河等二衛十五年又置阿真同真等三衛既有建州又有左衛正統間又置右衛既有益實塔山至此又各置左衛與

夫阿塔赤河城討溫茲又皆正統間所置也其
爲千戶所凡二十處此外又有所謂地面者凡
五十有八古人謂女直不滿萬滿萬則不可當
以今日觀之凡爲都司者二爲衛者一百八十
四爲所者二十又有地面五十有八其人豈止
萬人哉我

文皇帝神謀睿筭悉分而散之使之力足以自立
勢足以相抗各授以官職而不相統屬各自通
朝貢而不相糾合是以百年以來無東北之患
其間惟建州兀者毛憐三者部落頗衆時或竊

公於此反
復詩切亦
有流見其
微隱者

犯邊境，往往生于邊將之貪功生事，或撫馭不
以道，或誅求之過其分，請擇人以爲將帥，使之
無事而預備之，先事而調和之，因事而切責之，
不責之以非常之禮，不徇以分外之求，如此則
畏威懷德而東北無夷虜之患矣。

漢書武帝元封三年，初定朝鮮爲樂浪、臨屯、玄菟、真
番四郡。

班固曰：玄菟、樂浪，本箕子所封，東夷天性柔順，異
於三方之外。

唐書高麗本扶餘別種，地東跨海，距新羅南亦跨海。

八
卷之三
距百濟西北度遼水與營州接北靺鞨其君居平壤
城亦謂長安城漢樂浪郡也

大明一統志朝鮮國周爲箕子所封之國秦屬遼東
外徼漢初燕人衛滿據其地武帝定朝鮮爲真番臨
屯樂浪玄菟四郡昭帝并爲樂浪玄菟二郡漢末爲
公孫度所據傳至孫淵魏滅之晉永嘉末始爲高麗
高麗本扶餘別種其王高璉居平壤城卽樂浪郡也
唐征高麗拔平壤置安東都護府其國東徙在鴨綠
水東南千餘里五代唐時王建代高氏闢地益廣并
古新羅百濟而爲一遷都松岳以平壤爲西京其後

子孫遣使朝貢於宋，亦朝貢遼金，歷四百餘年，未始易姓。元至元中，西京內屬，置東寧路，總官府，畫慈悲嶺爲界。

本朝洪武二年，王顥表賀。

太祖卽位，賜以金印，誥命封高麗國王。二十五年，其門下侍郎李成桂主國事，更名旦，徙居漢城，遣使請改國號。

詔更國號曰朝鮮，其國分八道，分統府州郡縣。

臣按高麗自晉侯建國，至是八百餘年，始易三姓。在唐以前，所謂高麗者，止是一國。五代以後，

乃併三韓百濟而一之在勝國時猶有耽羅今
耽羅亦爲所有其土壤比隋唐往征之時已數
倍矣然其國頗尚禮誼安分守自入

國朝以來恭順

朝廷四時朝貢不廢禮節

日本在東海之中古稱倭奴國或云惡其舊名故改
名曰日本以其近日所出也

臣按

皇明祖訓所列諸夷國名凡十有五而日本與焉
而於其下註曰日本國雖朝貢暗通姦臣謀爲

不軌故絕之。蓋以此國其人雖粗知文字而心實狡詐。海外諸蕃如占城真臘閩婆之類皆未嘗爲邊境患。惟此一國居海之中。在勝國時許其互市。自四明航海而來。艤幢數十。戈矛劒戟莫不畢具。出其重貨貿易。卽不滿所欲。燔燔城郭鈔掠居民。海道兵卒無以應之。往往爲海邊州郡害。

聖祖灼知其故。故痛絕之。故於山東淮浙閩廣綠海去處設爲衛所居多。大抵爲倭故也。宣德以前彼猶出沒海濱以爲民害。正統以後蓋罕有。

至者矣。向時因風候遣舟師由海道以備之。近乃於緣海都司委都指揮一員統其屬衛摘撥官軍專以備倭爲名。操習戰舡以爲防備。是以數十年來彼知吾有備。不復犯邊。或數十年來朝貢。

朝廷亦以其恭順之故而禮遇之。

劫誘窮黷之失

漢文帝時將軍陳武等議曰南越朝鮮自全秦時內屬爲臣子後且擁兵阻阨遷犄

謂動也

觀望高祖時天

下新定未可復興兵今陛下仁惠撫百姓恩澤加海

內。宜。及。士。民。樂。用。征。討。逆。黨。以。一。封。疆。孝。文。曰。朕。能。
任。衣。冠。念。不。到。此。會。呂。氏。之。亂。功。臣。宗。室。共。不。羞。恥。
誤。居。正。位。常。戰。戰。慄。慄。恐。事。之。不。終。且。兵。凶。器。雖。克。
所。願。動。亦。耗。病。謂。百。姓。遠。方。何。又。先。帝。知。勞。民。不。可。
煩。故。不。以。爲。意。朕。豈。自。謂。能。今。匈奴。內。侵。軍。吏。無。功。
邊。民。父。子。荷。兵。日。久。朕。常。爲。動。心。傷。痛。無。日。忘。之。今。
未。能。銷。距。願。且。堅。邊。設。堠。結。和。通。使。休。寧。北。陲。爲。功。
多。矣。且。無。議。軍。

臣按司馬氏載是語於律書之首以見帝天性
純粹美尚德化而不務兵戎有制禮作樂之具

也

帝武帝
以諫兵錄
子也

王恢主別從代出擊胡輜重亦不敢出上怒下恢廷尉當恢逗撓當斬恢行千金丞相蚡蚡言於太后曰王恢首爲馬邑事今不成而誅恢是爲匈奴報讐也太后以告上上曰首爲馬邑事者恢故發天下兵數十萬從其言爲此且縱單于不可得恢所部擊單于輜重猶頗可得。以慰士大夫心。今不誅恢無以謝天下。於是恢聞乃自殺。自是匈奴絕和親。攻當路塞。胡寅曰魏相之疏止無名之兵。連兵之禍。恐傷陰陽之和。以生蕭牆之憂。真經國之遠猷。宰相之

能事也。其有可服者，不隱風俗薄惡子弟殺父兄妻殺夫之變，直以告君。此則賢者或以爲難也。

臣按蔡邕謂邊陲之患，手足之疥搔中國之患，胸背之癰疽，郡縣盜賊尚不能禁，況欲伏虜？又曰：欲以齊民易醜虜，皇威辱外夷，就如其言，亦已危矣。況得失不可量乎？此皆要言，惜帝不能從，卒致大敗。

葉適曰：高麗本微賤，不足論。然隋唐之所以興亡，節目關係却在此。隋文帝新合天下爲一，其時突厥已自稽首承順，煬帝巡遊，親至突厥帳，偶因高

麗之使在啓民所緣裴矩一言遂成此禍裴矩見天下大勢已合亦欲高麗效朝貢以見其得意而不知大亂之端乃發於此

唐太宗欲自征高麗遂良復諫曰天下譬猶一身兩京心腹也州縣四肢也四夷身外之物也高麗罪大誠當致討但命一二猛將將四五萬衆取之如反掌耳今太子新立幼稚諸王陛下所知一旦葉金湯之全踰遼海之險以天下之君輕行遠舉皆臣之所甚憂也羣臣亦多諫者上皆不聽

太宗征高麗房玄齡疾篤謂諸子曰吾受主上厚恩

今天下無事惟東征未已羣臣莫敢諫吾知而不言
或有餘責乃上表曰陛下每火一重囚必令三覆五
奏素膳止樂者重人命也今驅無罪之士卒委之鋒
刃之下使之肝腦塗地獨不愍乎向使高麗違失臣
節誅之可也侵擾百姓滅之可也它自能爲中國患
除之可也今無此三條而坐煩中國內爲前代雪恥
外爲新羅報讐豈非所存者小所損者太平願陛下
許高麗自新焚凌波之舡罷應募之衆自然華夷慶
賴遠肅邇安

玄宗天寶六載帝欲使王忠嗣攻吐蕃石堡城忠嗣

上言石堡險固吐蕃舉國守之非殺數萬人不能克臣恐所得不如所亡不如厲兵秣馬俟其有釁然後取之帝意不快將軍董延光請行帝命忠嗣分兵助之忠嗣不得已奉詔而不盡如所欲忠嗣曰今以數萬之衆爭一城得之未足以制敵不得亦無害於國故忠嗣不欲爲之忠嗣今受責天子不過以一將軍歸宿衛其次不過黔中上佐忠嗣豈以數萬人之命易一官乎

天寶十三載劍南李宓擊南詔閣羅鳳誘之深入至太和城閉壁不戰宓糧盡士卒瘁疫饑死十七八乃

引還蠻追擊之全軍皆沒楊國忠隱其敗吏以捷聞
益發中國兵討之前後死者幾二十萬人無敢言者
胡寅曰楊國忠鮮于仲通開南詔之隙喪師幾二
十萬高仙之擊大食喪師三萬安祿山討奚契丹
喪師六萬前此楊忠最計反蠻所殺又十一萬夫
爲天養人者天子之職也將帥殺之如此而明皇
不知失職久矣其能免乎。

臣按自春秋以後世之盟者鮮矣德宗以聽小
人之言而與吐蕃盟雖以百戰功臣如李晟者
屢言之而不見聽卒墮戎夷之計而爲所笑幸

而不盡如其計使其計果行則李晟旣已爲所
離間矣而又失渾瑊馬燧德宗豈不至於又出
幸耶。

元豐五年廣南西路轉運使馬默言安化州民作禍
上曰默意欲用兵耳。兵大事極須謹重向者郭逵征
安南與昨來西師兵夫死傷皆不下二十萬有司失
人一以罪其責不輕。今無罪置數十萬人於死地朝
廷不得不任其咎。天下大事蓋常起於至細。

臣按宋徽宗用蔡京王黼言任宦者童貫開邊
遂至九廟丘墟社稷淪亡人君之舉事用人切

不可不深長思慮。毋徒快一時之欲。徇一人之私。以啓九族之禍。戕億兆之命。貽千古之羞。元世祖至元十八年。擊日本兵十餘萬。歿于海島。還者僅三十人。

臣按緬甸接於百夷。占城隔乎交趾。爪哇日本。皆在炎天漲海之外。地勢不相接也。兵刃不相及也。而必征之。何哉。利其所有耳。蓋聞此諸國多珠貝寶石之類。欲得之耳。嗚呼。世祖爲此。豈復有君人之道哉。

延陵顏季亨會通父校